


www.BibleForChildren.org

San Mateo 26



Inkjaon
ncha ' on
bithjaan ixin
rukii kiai di ' in
pascua, are biji Jesús
ngain rajna Betania, thi
be ' e nchiandu ' a Lázaro, thi
ndabe ' en ko Jesús binchexecheon.
Kuthimejan María juia ' o
inchin rio ' o litro ndaxrajni
dikunchjianxin juxon tsjo
di ' in nardo, ko ndaxrajni ji ' i anto
renthe nda. Ko María kuinthjithe nda
ruthee Jesús, kuthimejan binchexemanxin kunixin
xrajaa. Ko nguixin ngaxi ' in nchia kunkaxrajni nda.



Kuthimejan Judas Iscariote, naa thi theyoo chujni bakao Jesús, kjui bitsje ' e kain xi daana icha renthe ko nichjee xa ixin kexreen je ' e rugajon Jesús ngain xa.

Ko are je ' e xa kui ' in xa ji ' i, anto chee xa ko ndachro xa ixin rugajon xa tumi.


Kuthimejan Judas kuexi ' in xraxaon

ixin kexreen sinche ' e ixin sinchechie ' en

Jesús ngain xa.



Ko bithikaon n̄a ko binche ' e n̄a
inchin kuetu ' an Jesús, ko nthi ' a
binchechjianxin n̄a thi rujine n̄a
ngain kiai pascua. Are tatene n̄a,
Jesús kuaa niuthja ko kuexruxi ' in
Ndo Dio, ko kunchjenga nio,
kuthimejan bajon nio ngain thi
theyoo chujni bakao, ko ndachro ngain
n̄a: —Tse ra ko jinthe
ra, ji ' i nthau ' na.



Kuthimejan kuaa thi jiria vino
ko kuexruxi ' in Ndo Dio, ko
bajon ngain n̄a ko ndachro:
—Kain ra di ' i ra vino ji ' i, ixin
ji ' i jnina, thi tsunchjianxin inaa
trato narua ngain Ndo Dio.
Ko jnina singo jni ixin
ruxengaxin ' na thi jian ' a
nche ' e tsjé chujni.



Ko kai ndachro Jesús: —Simón, Simón; Satanás banchia juachaxin ixin tangi tsu ' an ra, ko tsuntsjenga ra inchin katrigo. Aro ja ' an ubinthatsaan ñao Ndo Dio ixin ja ' a, ixin rutjaña ' a ixin ja ' a chunthia. Ko are ja ' a rukjan ngajin na inaa, thjengijna icha chujni dithikaon ixin sithikaon na kainxin ncha ' on.



Simón Pedro ndachro ngain Jesús: —Nchana, ja ' an rina ' o tsji ngajin, maski siaxinna inchin suixin, ko thi senxin suixin kai ja ' an nthi ' a senxin na. Jesús ndachro ngain Pedro: —Pedro, ja ' an rindathjo ixin xrarutsje ' a kunthaxichia ko ja ' a unii nthi ' a rundachro ixin chunxin ' a na.




Kuthimejan Jesús kunixin chujni bakao biji na ngain naa jngi di ' in Getsemani, ko nthi ' a Jesús ndachro ngain na: —Nthi ' i dinthe ra ko chunna ra ixin ja ' an sinichjaa Ndo Dio. Ko are jinichjee Ndo Dio ndachro: —¡Suixin, Ndudana! Suixin nchao dinche ' e kain, mexinxin ja nchao tanchrjanda ' a na satho thi anto tangi tsunna; aro tsuen ' a inchin ja ' an rina ' o, ncho tsu ' en inchin Suixin rinao.



Mexinxin Judas bijikao anto tsjé xi soldado, ko kanxion xi bagenda ni ' ngo, xi rua ' an xi daana icha renthe ko xi fariseo, ko bijikao xa ngain jngi mee candil, kanxion nthaa dichjee xa xru ' i ko thi rukjayaxin xa.


Ko naa ni bakao Jesús bincheni ' i naa xi nche ' e xree xi daana icha renthe, ixin kunchriji ' in ndatsjon rajianxin xa. Aro Jesús ndachro ngain ni bakao: —Tanchrjanda ra xa, ithetu ' a ra. Kuthimejan Jesús kathe ndatsjuen xii mee ko binchetsexin ndatsjon ko kuxrue ' en ndatsjon.



Ko tse n̄a Jesús ko sabikao n̄a ngain nchiandu ' a xi daana icha renthe. Ko Pedro kjín jiruexin. Nthi ' a ngain patiue nchia mee kjuaaga n̄a naa xru ' i ko bixindajin n̄a ixin xixru ' e n̄a. Ko kai Pedro tabe ' e ngayee n̄a.



Kuthimejan naa thi
nche ' e xree Anás, naa
thi xra ichoo thi
chrijin ndatsjuen,
ndachro ngain Pedro:
—¿Nchingo ja ' a kai
bikon ngain xii yaa, nthi ' a
ngaga ' a nthu thuchjuin?
Pedro ndachro inaa ixin na ' i,
ko are juexin nichja tsje
kunthaxichia. Kuthimejan Pedro
bachrjexin nthi ' a ko anto
bincheni ' i thi binche ' e ko tsjanga.




Kuthimejan kainxin xi thetu ' an
bingathjen xa ko bikao xa Jesús
ngain Pilato. Kuthimejan Pilato
banchiangi ' i Jesús: —¿Aja ' a
Rey chujni judío? Jesús ndachro:
—Jaan, inchin ja ' a
ndachro. Pilato binao
rukanchrjanda Jesús,
mexinxin je ' e kjan nichja
ngain n̄ inaa, aro je ' e n̄

icha seen kuyao n̄ ko ndachro
n̄: —¡Tenganito xa nthā cruz!


¡Tenganito xa nthā cruz!




Ko Pilato ndabajon Jesús ngain
nā ixin tsenganito nā nthā cruz,
ko sabikao nā. Ko Jesús
bachrjexin nthi' a ko jiyama nthā
cruz ko sabikao nā ngain thi
banchegi' in nā Nthā Luro Jaa
Chujni, ko ngain ngigua hebreo
di' in Gólgota.




Nthi ' a kuenganito na Jesús ngain
ntha cruz. Ko kai iyoo chujni
kuenganito ntha cruz, naa no
rakjunxin ko inaa
no rajianxin, ko
Jesús be ' e
ngusine.



Ko are ndabanga ncha ' on, thi manta bethua ngaxi ' in
ni ' ngo icha jié, ndabichjedunga manta. Kuthimejan
Jesús suji ndachro: —Suixin Ndudana, ngaa raa Suixin
sakee esprituna. Ko are
je ' e juexin ndachro
ji ' i, ndabe ' en.





Mexinxin jaikua juii naa xii bi'in José thi
juixin rajna Arimatea, ko xxraon'a
kunchie'en ngain Pilato ko
banchia Jesús. Ko José kjui
naa xii bechunda jié
juachaxin ngakjan ni
nche'e jje, ko kai
jichu'en thi ncha'on
tsetu'an Ndo Dio.

Kuthimejan José
bincheganianxin
Jesús ngain nthá cruz
ko kuensia naa manta
dike ' na, ko bikaan ngain
naa chinthi dikunchjian
ngado ' o naa jna.
Kuthimejan je ' e kuejee
chinthi kunixin
naa xro jié.




Ko nduexin, sábadó, kain xi daana
baketu ' an ngain icha xi daana ko

kain xi fariseo binthekji xa
bitsje ' e xa Pilato, ko
binthendachro xa:


—Suixin, ja ' an ná
xraxa ' on ná ixin thi
xii banichja thi
ndua ' a, ndachro:

“Ngain ncha ' on

ninxin
ja ' an
ruxechon
na.”



Kuthimejan sabinthekji nā ko kuejee
nā jian chinthi kunixin naa xru ' e
ngain xro jiree chinthi.
Ko nthi ' a kuinthu ' e nā
xi soldado ixin
binthenda xa.



Are batho ncha ' on nchejuga ' a ni,
ko kuexi ' in bingasaan thi ncha ' on
thexinxin semana, María
Magdalena ko thi inaa
María kjui nā bitsje ' e
nā thi xrabaa Jesús.
Ko are tate nā
nthi ' ā kuingi
nunthe anto suji.



Ko naa angel Ndo Dio xinkanjinxin
ngajni ko juii ngain thi jixrabaa
Jesús. Je ' e binthjia xro jiree
ngain chinthi ko tabe ' e
ngata ' a xro. Ko xi
soldado tenda nthi ' a
are binthegikon xa
ángel, anto xranga
xa ixin juaxraon ko

tabinthe genda xa
ko betsinga xa xraa
ni ndadige ' en.



Kuthimejan ángel ndachro ngain thi
yoo nchrii binthekji: —Xraon ' a ra.

Ja ' an nuna ixin tethjee ra

Jesús, thi kuenganito n̄

ntha cruz. Je ' e ko ' a

nthi ' i, je ' e uxechon

inchin je ' e ndachro.

Xrakui ra sitsje ' e

ra thi bake ' e n̄

Nchaa

ná.




Kuthimejan kayui nchríi mee jaikua
sabinthekjixin nchra ngain chinthi. Ko
kayui nchra binthexraon nchra aro
kai anto binthechee nchra, ko
kuinga nchra binchenu ' e nchra
chujni bakao Jesús.



Ko are je ' e nchra tethinga nchra, Jesús
kununxi ' in nchra ko ndachro:
¡Cha ' a ra Ndo Dio jii ngajin ra!
Ko je ' e nchra binthekunchie ' en
nchra ngain Jesús ko kjuua
nchra ruthee ko
binchesaye ' e nchra.





Ko Jesús juexinxin xraago ngain ni thejngo bakao, are tene n̄a ngain nthanchaon. Ko je ' e binchesathe ' e n̄a ixin bithikaon ' a n̄a ko atho cha thinxin n̄a, ixin bithikaon ' a n̄a thi ndachro chujni bikon je ' e ixin uxechon. Ko are Nchaa ná Jesús juexin nichjee n̄a, je ' e sakuajiin ngajni ko be ' e no rajianxiin Ndo Dio.



'Ndudana thjen
ngajni anto thjue'e ndo kainxin chujni
ngata'a nunthe, mexinxin bajon na ndo
ja'an, thi nakuaxinxon Xe'en Ndo ixin
kainxin chujni dithikaon na ja'an
tsji'a n̄ ngain thi xru'i danga'a,
ko rukjan n̄ inaa chujni
narua thi xru'in
ncha'on
tsjexin.



Romanos 3:23

ixin kain ná bintho ' o ná thi jian ' a, mexinxin ndakunkjínxin ná ngathexin kon Ndo Dio.

Romanos 6:23

Thi chujni nche ' e thi jian ' a sacha n̄ tsji n̄ ngathe xru ' i.
Aro thi juinthathuan ná Ndo Dio nthakjan ná inaa chujni narua ko xru ' in ncha ' on se ' en ná ko sunthe ná ngain Nchaa ná Jesucristo.

Hebreos 9:27

Jañaa inchin kain chujni de ' en n̄ nakua nthi ' a,
kuthimejan Ndo Dio sinche ' e jie ngain n̄,



Efesios 2:8,9

Ixin thi anto thjua ' a ra Ndo Dio, ja ' a ra bitjaña ' a ra jie, je ' o ixin chunthia ra ngain ndo ko je ' a ixin runche ' e ra tsjé thi jian. Ji ' i ku ' en ixin thi binthathuan ná Ndo Dio.

Ko kuen ' a ji ' i ixin thi jian nche ' e chujni, mexinxin xru ' in chujni tsa ' in ñao.

Romanos 10:9,10

Ja rundachro kunixin ru ' a ixin Jesucristo Nchaa ko ngain ansean sithikaon ixin Ndo Dio binchexecheon Jesucristo ngayee ni ndadige ' en, jamee ja ' a rukjan inaa chujni narua. Ixin anseen ni dithikaunxin ni ixin Ndo Dio nchekjan ni jian chujni, aro ixin ru ' a ni rundachruxin ni ixin batsuan ni Jesucristo, ixin jaña rukjan ni inaa chujni narua.



San Juan 3:16,17 'Ndudana thjen ngajni anto thjue ' e ndo kainxin chujni ngata ' a nunthe, mexinxin bajon na ndo ja ' an, thi nakuaxinxon Xe ' en Ndo ixin kainxin chujni dithikaon na ja ' an tsji ' a n̄ ngain thi xru ' i danga ' a, ko rukjan n̄ inaa chujni narua thi xru ' in ncha ' on tsjexin. Ixin Ndo Dio ruan ' a na ndo ja ' an, thi Xe ' en ndo, ngata ' a nunthe ixin sinche ' e xan j̄e; Ndo Dio rua ' an na ja ' an ixin tsjengijna kainxin chujni ixin rukjan n̄ inaa chujni narua.

1 Juan 5:11-13 Ko ji ' i thi ndua ndachro Ndo Dio: Je ' e ndo nthagechon ná ko xru ' in ncha ' on se ' en ná ko thi dintecheon ni, jii ngain Jesucristo. Chujni dithikaon Xe ' en Ndo Dio techon ná ko xru ' in ncha ' on se ' en n̄; ko chujni dithikaon ' a Xe ' en ndo, techon ' a n̄ ngathexin kon ndo. Ja ' an ji ' i k̄jin na ixin ja ' a ra xro dithikaon ra Jesucristo thi Xe ' en Ndo Dio ixin tsunu ' a ra ixin utechon ra ko xru ' in ncha ' on se ' en ra.



San Mateo 26-28; San Lucas 22-24;
San Juan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Popoloca, San Marcos Tlacoyalco Bible (pls) © 2017,
Wycliffe Bible Translators, Inc. All rights reserved.

<https://live.bible.is/bible/PPSTBL/MAT/1>

©2026 Bible for Children, Inc.

www.M1914.org

www.bibleforchildren.org

